

Pingaarutillit oqaaseqatigiinnerpullu GUX-mi oqalliserineqassaaq

Pingaarutillit oqaaseqatigiinnerpullu pillugu ilinniartitsisut atuartullu akornanni oqallisigineqarnissaat GUX-p suliasatut aallartissimavaa.

Perorsaanerup ulluinut 15. – 17. oktober ingerlassimasanut atatillugu, ilinniartitsisut suleqatigiit pingaarutilerineq aallartissimavaat, pingaarutillit, oqaaseqatigiinnerup kulturillu oqallisiginerini GUX-ip siunissami ineriartornissaata qajannaatsumik tunngavilernissaata pilersinnisaaa pingaarnerutillugu.

Pingaarutillit pingaaruteqarnerisa, oqaaseqatigiinnerup kulturillu ulluinnarni inoqatinut atassuteqarnerit pitsaasut, qanoq pilersinnissaat pillugit, ulluni taakkunani isumassarsiviupput. Ilinniartitsisut akornanni oqallinneq inuummaarissimavoq peqataaffigilluarneqarlunilu, naggasiutigalugulu pingaarutillit pingaarnersai, GUX-ip kulturiata anersaavalu ilisarnaatai pillugit allattuiffimmik pilersitsisoqarsimavoq.

Pingaarutilerineq KTI-p takorluugaasa siunniussaasalu pingaarnersaanik aallaaveqarpoq, anguniagaavorlu, atugassa qarfiit ersarissut pilersinnissaat, qularnaarlugulu, ataatsimut anguniakkat alaatsinaannissaat. Taamaattumik ullut oqalliffiusut oktoberimi, novemberimi decemberimilu siunernataraat pingaarutillit kulturittalu ataatsimoorussatta pingaarutaata oqalliserinissaa. Ukiortaamiit martsip tungaanut pingaarutillit periusinngortinnissaat sulinerimilu qanoq atorneqarsinnaaneri sulissutigineqassapput. Ulluinnarni sulinerup siumut sammisumik qanoq pilersaarusiornissaanut ilusilersornissaanullu, suliaq taanna sinaakkusiissaaq.

Pingaarutilerineq pingasunut inissinneqarsimavoq, tunngavik, ineriartorneq periusinngortitsinerlu, ingerlanneqassallunilu oktoberip qeqqani 2014-miit martsip 2015-imut. Pingaarutilerineq ingerlanneqassaaq siunnersortit Charlotte Bæk Risbjerg, Plan2Move, Christel Lund Bøjler, Naasoq Consult, ilagalugit, suliamut atortorissaarusiissallutik og ataatsimeeqataasullu unammillerfigissallugit.

Oqalliffissaq tulleeq pissaaq sisamanngorneq 20. november, tassanilu GUX-mi atuartut tamarmik ilinniartitsisutik ilagalugit ilaassallutik. Oqallinnerup imarissavaa pingaarutillit sorliit imminerminnut GUX-ip ilisarnaatiginerai, pingaarutillillu GUX-mi ulluinnarni qanoq pingaassuseqartiginersut.